

29 JUN 1996

PERSIDANGAN MAJLIS RAJA-RAJA KE-173 DI MELAKA

MELAKA, 29 Jun (Bernama) -- Persidangan Majlis Raja-Raja ke-173 akan berlangsung di sini selama tiga hari mulai 9 Julai depan.

Ketua Menteri Datuk Seri Mohd Zin Abdul Ghani berkata persidangan itu yang pertama kali diadakan di luar bandar akan diadakan di A'Famosa Golf Resort, Alor Gajah.

Mohd Zin berkata kerajaan negeri telah menjalankan semua persiapan sebagai tuanrumah persidangan itu.

Yang di-Pertuan Agong dan semua sultan dijadual menghadiri persidangan itu kecuali Sultan Pahang dan Sultan Selangor yang akan menghantar wakil, kata Mohd Zin.

Perdana Menteri Datuk Seri Dr Mahathir Mohamad, menteri-menteri besar dan ketua-ketua menteri semua negeri juga akan turut menghadiri persidangan itu, katanya.

-- BERNAMA

MOZ AKD